

Naammattumik piginnaasalinnillu sulisoqarluni suliffeqarfinnik angusaqarfiulluartumik qanoq pilersitsinissatsinnik Inatsisartut isumaat pillugu apeqquteqaat aallaavigalugu oqallinnissamik siunnersuut

(Inatsisartuni ilaasortaq, Asii Chemnitz Narup, Inuit Ataqtigiit)

Akissuteqaat

(Isumaginninnermut, Ilaqtariinnut, Suliffeqarnermut Nunamullu Namminermut Naalackersuisoq)

Qujanaq Asii Chemnitz Narup Inuit Ataqtigiit, naammattumik piginnaasalinnillu sulisoqarluni suliffeqarfinnik angusaqarfiulluartumik qanoq pilersitsinissatsinnik Inatsisartut isumaat pillugu apeqquteqaat aallaavigalugu oqallinnissamik siunnersuuteqaravit.

Naalackersuisut suliffeqarnermut periusissiaat 2024-ip naanissaata tungaanut atuuttoq pingasunik suliniutinik immikkoortunik imaqarpoq, tassalu sulisoqarnek imminut napatittoq, inuusuttut suliffissaaleqinerat annikinnerusoq ilitersuinerlu aamma piginnaanngorsaaneq. Inuiaqatigiinni isumalluut pingaarnerpaaq tassaavoq inuk. Inuunermi atukkatta qaffatsinnissaannut tamatta peqataallutalu suleqataasariaqarpugut. Tamanna isumaqarpoq inuussutissarsiutit, utoqqaassutsit ilinniakkatigullu ilisimasaqarnerit akimorlugit suleqatigiissasugut.

Naalackersuisoqarfiit akimorlugit suleqatigiinnerup sunniuteqarfigivai namminersortut pisortallu, pingaartumik suliniut imminut pilersorsinnaanerulerneq, Naalackersuisut Ilinniartitsinermut Periusissiaat 2024-2030 aammalu Naalackersuisut Attassiinnarnissamut Ineriartortitsinissamullu pilersaarutaata aappaani. Aaqqissuussat suliniutillu siunertanik tulluurtumik tikkuussissapput. Tamakkiisumik isigisumik periaaseqarnek imarisamini kalluaavoq anguniakkanut, piviusunut innuttanullu. Tassami pisinnaatitaaffiit pisussaaffiillu ingiaqatigiittussaammata.

Naalackersuisut ersarinnerusumik akisussaaffeqarfiit agguataarpat Naalackersuisut Attassiinnarnissamik Ineriartortitsinissamullu pilersaarutaannut atatillugu. Tamatumuuna anguniarneqarluni issiaviit marluusut akornannut inissiisoqarnissaata pinaveersaartinneqarnissaa.

Amerlanerusut suliffeqarfinnut appakaatissapput, tamannalu isumaqarpoq suliffeqarnek assigiinngisitaarfiusumik inissaqartitsilluni ineriartussasoq. Inuussutissarsiartut ujartugaat sulisut piginnaasallit pingaaruteqaqataani, kikkulluunniit tamarmik atorfissaqartinneqarput suliffeqarfinni. Inuiaqatigiinni inuit tamarmik kikkugaluarpataluunniit inissaqartinneqartariaqarput, aamma suliffeqarnermi tamanna atuuppoq.

Naalackersuisut Attassiinnarnissamik Ineriartortitsinissamullu allannguilluni aaqqissuusseq-qinneranut atatillugu, pitsaanerusumik akisussaasutut susassaarfiit ilinniartitaanermut suliffeqarnermullu agguataarneqarput, tamannalu isumaqarpoq inatsisit toqqammaviusut naleqqussarneqarnissaat.

Ataavartumik sulisussameernek iliuuseqarfigineqassaaq, taannalu ilutigalugu, sulisut tigummiinnarnissaannut iliuuseqarnek pitsaanerusoq ujartorneqassalluni, inuusuttunillu

sapinngisamik piginnaasaannik annertusarnissaannut aqutissiuussinerit, tamatigoortumik sulisussameerneq annikillisarlu.

Suliniutit assigiinngitsut ingerlanneqarput, sulisutut atugarisat pitsanngorsarneqarnissaannut tunngatillugu, soorlu sulineri ilanngaait, ukioqqortusisunut pisortani namminersortunilu suliffeqarfinni atugarisassat pitsaanerusut, suliffimmi politikkit aqutigalugit pilersinneqarsinnaasut, suliffissarsiuussiffiit tunaartallit suliffissaaleqisunut, suliffissarsiornermi ikiorsiissutit, piginnaasanik inerisaanermut neqeroorutit, suliffinni piginnaanngorsartittunut siusinaartumillu soraarninngorsimasunut ukioqartuni 30-iniit 50-it tungaannut nalileeqqinnerit tunaartallit aallutarineqassapput, sulilernissamut piareersimasut suliffeqarfinnut appakaateqqinnissaannut siunertaqartuni, sukkanerusumik avataaniit suliarortitsisarnermut aaqqiissut, aammalu pitsaanerusumik aqutissiuussinikkut ilitersuineq meeqqat atuarfianniit ilinniarfeqarfinnut ikaarsaartunut, atuarfiit assessorissanut sammisut pilersinneqassapput aammalu ujartuilluni aqutissiuussinerit annertusineqassallutik, pinaveersaartitsinerlu ingerlanneqarluni tunngasuni pitsaasumik meeqqanut nunatsinni peroriartorneq, ilaqtariinneq toqqissisimasoq, inuunerinnerunissaq inuiaqatigiinni nukittorsarniarlu.

Naalackersuisut taaneqartuni ingerlanneqartut aallarnisarneqassasunilu siunertarivaat, sunniuteqaqataajumaartut naammattumik piginnaasalinnillu sulisoqarluni suliffeqarfinnik angusaqarfiulluurtumik, inuiaqatigiinni pilersitsisoqassasoq piffissaq qaninnerusoq ungasinnerusorlu eqqarsaatigalugu.

Aamma malugeqquara, Naalackersuisut periusissiaat martsimi saqqummersoq “Suliffeqarnerup Suaiaassutsinut agguataarnera”. Periusissiarlu suliffeqarnerup suaiaassutsikkut agguataarneranik arfinilinnik suliniutinik akiuisussanik imaqarluni.

Taamatut oqaaseqarlunga oqallisissiamut nunatsinnut pingaaruteqartumut oqallilluarnissannik kissaappassi.